

Ahellil 34

- 1 Ahellil n Dawed, segga yiga iman nn-es d amehbul z zał n Abimalek, u iħawez-it.
- 2 Ad ittubarek Yellu di kull zzman, ahmad nn-es deg mi inu dima.
- 3 Tanefsit inu teħmed Yellu yeħġlan, ad ssejgħden imeħġban u ad zhan.
- 4 Szeddm̄et Yellu id-i, ism nn-es jmiξ a t-nessili.
- 5 Ettrey Yellu, yuξa-y-d, ifukk-ay si gaξ tiwdi.
- 6 Yya yetteqqlen ġer-s ad fawen, ur sen-tebciξen xlaš wuđmawen.
- 7 Neč agellan d ameħġbun ġeyydey, u Yellu yessejgħ-d-ay, u si lhemm inu gaξ isellek-ay.
- 8 Lemlayka n Yellu yetξussa, yya t-ittaggwadēn, u it-fukka-hen.
- 9 Emđiżżejj, tezrem wag eħla Yellu, d amesξud wa at-yigin d amkan n wesduri.
- 10 Aggudet Yellu kennwi a imqeddsen nn-es, xaṭrac yya t-ittaggwadēn, cra ur a hen-itxuṣṣa.
- 11 Lak d yiran ssxuṣṣayen u tlażan, embeşseħ yya irezzun f Yellu, si lxis welli matta i hen-itxuṣṣan.
- 12 Ayyat a tarwa inu a y-tessejgħ-dem, tiwdi n Yellu s ġer-i a' tlemħ-dem.
- 13 Wi ctan tameddur ikemlen, wig xsen a s-zzegren wussan, u di-sen ad izerr kan ag eħlan.
- 14 Ad iżżejj imi nn-es f ccerr, d yiles nn-es f tserkas.
- 15 Ad yig lxis, u ccerr ad ibaξxied fell-as, ad yerzu f lehna u ad yazzel wern-as.
- 16 Tiċċawin n Yellu tξuссant f iħeqqiyen, u imejjan nn-es i wξeyyed nn-sen ssxuż-żien.
- 17 Yellu yetnekkar ġer icċerriyyen,

- bac ad imha seng n tmurt lgerret nn-sen.
- 18 I wgeyyed n iheqqiyyen, Yellu yesla,
u ifukk-ihen si dd^q gag d lebla.
- 19 Yellu ger yya mi ndurren wulawen yeqreb,
u yetsellek yya yellan tanefsit nn-sen teqleb.
- 20 Aheqqi, labas n lebla yetsab-it,
embeşseh ssi-s gag Yellu yetsellek-it.
- 21 Ixsan nn-es gag fellasen itgussa,
lak d ict ssi-sen ur itrezza.
- 22 Ccerq ineqq bab nn-es,
yya inekkren aheqqi ad ttunakfen.
- 23 Yellu ifedda ixdimen nn-es,
u yya i t-ittigen d amkan n sedduri ur ttunakafen.